

Քո ծոցն է Մըսրայ դուքան, քո ծըծերն է Եզդի դումաշ.  
Երթամ բազըրկան եղևիմ գամ գընեմ գղումաշն ի պալաշ:

Դ .

Աղկեկ մի վերի թաղէն կու կանչեր՝ Պագիկս է պալաշ.  
Ձենն ի վանորէքն անկաւ, հաբեղևին կապեցին ղզլպաշ.  
Շատ ոտք շատ գըլուխ կոտորաւ, շատ վեղար մընաց թերընմաշ.  
Հանցեղ մեծ ջարդում եղաւ որ արո՛ւնըն տարաւ ղզլաշ.  
Էն շատ հեծելի միջէն երկու հաբեղայ ելան պաշ.  
Եկան ու իրար առին, կըռուա՛ն երկուսն եղան լաշ.  
Սէֆիլ ի միջէն փըրթաւ, նայ ելաւ էլ կանչեց՝ Շապա՛շ,  
Երնէ՛կ ինձ հազար բերան, իմ եարըն մընաց ինձ պալաշ:

Ե .

Հա՛յ իմ պողվատէ ուրագ, ես թաց փետ, զիս առեր ի տաշ.  
Սիրես զիս՝ շուտով սիրե՛. հա՛ն հոգիս, հետ քեզ է ի քաշ:  
Հա՛յ իմ ֆըռանգի դումաշ, ես քանի՛ գամ յետ քեզ ի քաշ.  
Աշուն եր եղաւ գարուն, դուն ի այլ դարձար, ես ի մաշ:

Զ .

Աստուած է ստեղծեր ղզվարդն ու տըւեր ի փուշն ամանաթ.  
Արի թէ քաղեմ ղզվարդ, նայ կանչեց փուշըն ֆըրիա՛թ,  
Ճօ՛ , եղ ի՛նչ սեր ՚լ ի՛նչ հաւատ, որ չարիք վերես շաղակաթ,  
Չքո սերն ձըգեցիր վիրես, դու ի շուռ կուգաս ֆարաղաթ.  
Ճոցուդ ես դու դուռ շիներ ու դըրեր ղզփակն էլ երկաթ.  
Դուռըդ էլ կոտրել կարեմ, թէ հազար որ փակն է երկաթ:  
Ճոցուդ էլ մըտնուլ կամիմ, թէ հազար կանչես ֆըրիաթ.  
Քո սերդ ի սըրտիս միջին հիմ դըրեր ու նոր բունիաթ:

Է .

Բանիկ մի դալատ արի որ սիրուն եղայ խաշնարած.  
Յերեկ ղզւերն կ՛ արծէի ու գիշե՛րըն համատարած.  
Շատ քար ու քաֆայ մըտայ, հաց քաղցած ու ջուր ծարաւած,  
Ոչ ես սերն լէն բերի, ոչ եթող սերըն զիս ի բաց:

### ՏԱՂ ՍԻՐՈՅ

Իմ հոգոյս հոգեկ եա՛ր, ա՛մ, քանի քո քովեդ գընացի,  
Հոգիս ի մարմնոյս ելաւ, ի մահուն դուռըն գընացի.